

Date – 21/06/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Governor Dr Hari Babu Kambhampati an Mizo lekhathiam hnam zingah taksa leh rilru leh ngaihtuahna hrisel turin inzirtir uar ni se a ti.**
- 2. ZPM sawrkar hnuah a vawi khat nan Chhingchhip-a Fruit Juice Concentrate Plant-ah sapthei sawr tan a ni.**
- 3. Vawiin International Yoga Day hmanna pui ber chu Prime Minister Narendra Modi-a hoin Jammu and Kahsmir-a Srinagar-ah hman a ni**
- 4. Delhi Chief Minister Arvind Khejriwal-a chu liquor policy scam-a sum chhehrelh thubuaiah bail a phalsak.**

<><><>

YOGA

Governor Dr Hari Babu Kambhampati an Mizo lekhathiam hnam ten hriselna a pawimawh zia an hre chho zel a, taksa leh rilru leh ngaihtuahna hrisel turin inzirtir uar ni se a ti.

Vawiin khawvel pum huapa International Yoga Day hman tur puala, Raj Bhavan-a kan corr in a kawmnaah he thu hi sawiin Governor chuan Mizoramah pawh Yoga instructor engemawzaxat an awm a, hengte hian zirtirna pechhawngin, kilkhawr thlengin an dap chhuak thei a ni a ti.

Governor chuan Yoga chu taksa leh rilru hrisel nan chauh ni lovin, nunphunga betah a duhawm hle a ni a ti a, hei hi khawvel hriatah Prime Minister chuan puang tawhin, UN pawhin a pawmsak a, tunah chuan ram hrang hrangin an hlut chho hle a ni a ti.

Ayush Department hnuaiia physical and stress management instructor Pi Hmingthantluangi chuan, Yoga chuan rilru hrisel nan mi a pui nasa hle a ti a, thawk lama harsatna nei tan pawh a tangkai tih sawiin, vai ho chin chhuah niin anni chuan sakhuaanaah an seng lut a, Mizote erawhin sakhuaanaah seng lut kher loin taksa sawizawi leh hrisel nan chauh a hma theih a, a hlauhawm leh tha lo zawnga sawi tur ni loin taksa hriselna tur zawk a ni tih a sawi.

Yoga lama thiamna nei Dr Laltlankimi Ralte chuan, Yoga chu India ram rohlu – khawvel pawhin a ngaihsan avanga International Day hial atana a puan a ni tih a sawi a, India ramin khawvel tana a thil pek hlu ber ni hial a hrat thu sawiin, thil nghet, tlo leh hahdam tak sia insawizawina a ni a ti a, a thil tum ber chu mite tih hrisel leh an natna laka chhanhim a ni, a ti. Thil danga

insawzawina hlau lo tan chuan Yoga pawh hlauh ngawt chi a ni lo tih a sawi bawk.

Vawiin hi International Day of Yoga a ni a, he hun lo thleng tur pual hian Assam Rifles (AR) te chuan tunkar Thawhlejni khan India leh Myanmar inrina Zokhawtharah Yoga chungchang inzirna hun an hmang a, heng bakah hian Lunglei, Siaha leh Zorinpuih te inzirtirna hun hi an hmang bawk.

International Day of Yoga India hi tukin khan ramchhung hmun hrang hrangah hman a ni a, Mizorama a hmana pui ber chu Republic Vengthlanga Hawla Indoor Stadium-ah buatsaih niin Larsap Hari Babu Kambhampati an a hman pui a ni.



MULCO

Mizoram Milk Producers' Co-operative Union Ltd. (MULCO) chuan Mulco Conference Hall, Thuampuih Mulco Annual General Meeting vawi 28-na nimin khan an hmang a.

He hunah hian AH & Vety Minister C Lalsawivunga chuan kum 1984-a MULCO din a nih atangin vawiin thleng a MULCO-in hma a sawn zel na kawnga nasa taka thawktu, MULCO Board of Director-te leh MULCO a thawktute zawng zawng bakah society-a kuthnathawktute zawng zawng chungah lawmthu a sawi a, 'MULCO kaltlangin mi tam takin eizawna an neih phah. Mizoram economy chawisanna kawngah MULCO hian a thawhhlawk hle a, Mizoram state-a society hlawhtling ber zing a mi a ni,' a ti a.

MULCO Managing Director Harsh Vardhan tarlan danin, kum 2023-2024 chhungin MULCO-in kuthnathawktute hnen atangin bawngnute litres nuai 9 chuang a leisak a, bawngnute lei nan hian Rs. 42,897,656 hman a ni. Kum 2023-24 ah MULCO hian cheng nuai 207.19 an hlep bawk a ni.



LADC

Lai Autonomous District Council a MDC pakua ten ZPM zawmin nimin khan ZPM Gen Hqrs a Vice President Pu W.Chhuanawma MLA chuan a lawmlut.

Lawmluhna inkhawm, LADC Hall, Lawngtlai a neih hi Pu H.Lungrualkima Treasurer ZPM Lai District Hqrs. chuan kaihuaiin, Pu W.Chhuanawma chuan LADC ah Sorkarna siamthei an awm mumalloh lai khan ZPM chuan State a rorellai an nih angin LADC ah Sorkarna siamturin hma a lalo tih sawiin, Autonomous District Council zahawmna humhim chu ZPM in a duh vangin Party dangten an Sorkar laia Autonomous District Council a an Party sorkar tir phet an tum thin ang khan ZPM chuan tha a ti tiveloh a, tunah MDC pakua laiin ZPM ah rinna nghata an zawm ta chu lawmawm a tihthu sawiin, ZPM chuan Party ah an lawmluh ngailoh thu leh an Policy tawmpuitute chu Policy ah an lawmlut thin niin a sawi bawk

Lai Autonomous District Council a MDC nilai pakua ZPM zawmtute hi kumin April ni 4 a MNF Party chhuahsantute an ni a, MDC pasarih, Pu Manghmunga Chinzah, Pu T.Lalengmuana, Pu V.Zathanga, Pu BN Thangpuia, Pu Tutura Singh, Pu L.Lalmachhuana leh Pu C.L.Lianzuala te bakah Independent MDC pahnih Pu N.Zangura leh Pu L.R.Dingliana Chinzah te an ni.

Elected Member 25 nei thei Lai Autonomous District Council ah hian Lawngtlai Chandmary bial ah by election neihtur niin, tun dinhmun ah Elected Member 24 an awm a, Congress Member pakhat leh MNF Member 12 ten Congress Member CEM kaihhruaina hnuai ah an Sorkar mek a, vawiin a MDC pakua ZPM zawmte bak ah hian ZPM chuan MDC pakhat a lo neihsa nen MDC 10 neiin, BJP, MDC pakhat awm bawkin eptu lam ah MDC 11 an awm mek.

MDC pakua, lawmluhna inkhawm ah hian Lawngtlai East bialtu MLA, Adviser to Chief Minister Dr.Lorrain Lalpekliana Chinzah, Pu MC Lalramchhana President ZPM Lai Dist. Hqrs bak ah lawmluhte atangin thusawi ngaihthlak a ni.

<><><>

CHHINGCHHIP FRUIT

ZPM sawrkar hnuah a vawi khat nan Chhingchhip-a Fruit Juice Concentrate Plant-ah nimin khan sapthei sawr tan a ni a,

MIFCO Chairman Pu Lalthazuala Rawite chuan nimin khan Chhingchhip-a Fruit Juice Concentrate Plant hi flawhin he hmun tuaitharna turin sum awm se la chuan lian zawka hmalakna kalpui theih a nih thu a sawi.

Mizoram Food & Allied Industries Corporation Limited (MIFCO) hnuai Fruit Juice Concentrate Plant hi 26th January, 1993 khan din a ni tawh a, thei chi hrang hrang sawngbawl na turin khawl leh mamawh tam tak lei ni tawh mahse hman loha dah tawl tam tak a awm a, hengte hi tangkai taka hman a nih theih thu sawiin Pu Lalthazuala Rawite chuan, 'Sum chu awm se heng khawl zawng zawng hi tangkai taka hman theih tur an ni a, MIFCO tangkaina leh Mizoram hmasawna tura a thawhhlawk zia pawh hmuh thuai a ni ang a ti a. Tun dinhmunah erawh bul tan thar leh chauh a nih avangin hmabak a tam hle a ni, a ti.

Tuna sapthei tui an sawr mek chu enchhin nan Chawngtlai khua atangin Kg 1, Rs.30 in an lei a, Sapthei bakah Lakhuihthei pawh sawr an tum tih sawiin, he hmunah hian sawr theih chi thei chi hrang hrang pawh sawngbawl theih beisei a ni, a ti.

Heng bakah hian Baibing leh Rawtuai te pawh a Tin-a siam theih a ni bawk a, kum tam tak MIFCO hi kalpui ni tawhin, la hlawhtling hlei thei rih lo mahse ZPM Policy a nih avangin hlawhtlinpui an tum tlat dawn a ni," a ti.

Chhingchhip khaw daia Mizoram Food Park ah hian tun dinhmunah hnathawk 6 an awm mek a, MIFCO hnuai ah hian hnathawktu tun dinhmunah 24 an awm mek a ni.



MSCU

Mizoram State Cooperative Union (MSCU) General Assembly vawi 35-na chu nimin khan Cooperation Department Minister Pu PC Vanlalruatan a hmanpui.

Aizawla Dawrpui Multipurpose Centre-a hun hmanah Minister Pu PC Vanlalruata chuan Cooperative Society chu mitin ta a ni a ti a. MSCU hruaitute hmasa leh tun dinhmuna a hruaitu leh a thawktute chungah lawmthu a sawi a. Ram chawikanna atan Cooperative Society chu a pawimawh tih sawiin, MSCDC chu din thuai tum a ni a ti a. Ram hmasawna atan cooperative society te nen a thawhhona a pawimawh a. Thawhhona tha a pawimawh thu leh thawhhona tha a awm loh chuan hmalak theih lohna bakah hmasawna a awm thei lo a ni, a ti a. Cooperative Society thanzelna atana politics inhnawh phal lo turin kalkhawmte a sawm bawk a ni.

Thu sawitu dang, Mizoram Cooperative Society Registrar Pu R. Lalremsanga chuan Cooperative Society din chhan chu mamawh leh duh thuhmun, harsatna tawk te dinhmun chawisanna atana din a ni, a ti a. Tun aia chak zawka hmalak a nih theih nan district tinah Cooperative din tum a ni, a ti bawk.

MSCU hi kum 1975 March ni 29 khan din a ni a. Hetih hunlai hian Assam State hnuai Aizawl District Registrar of Cooperative Societies (ARCS) enkawlina hnuai din a ni a. Tun dinhmunah MSCU Building hi Bazar Bungkawn Dawrpui awm mekin Junior Cooperative Training Centre (JCTC) Building hi Chawlhmunah a awm bawk.



YOGA DAY WITH PM

Vawiin International Yoga Day hmanna pui ber chu Prime Minister Narendra Modi-a hoin Jammu and Kashmir-a Srinagar-ah hman a ni. Ramchhung hmun hrang hrangah Yoga day pual hian hun hman a ni a. PM Modia chuan Sher-i-Kahmir International Conference Centre (SKICC) ah mipui 7000 chuang kal khawmte chu a huhoin Yoga a tihpui a. He hunah hian &K Lieutenant Governor Manoj Sinha, Union Minister Prataprao Ganpatrao Jadhav leh mi pawimawh tak takte an tel a. Khawvel hmun hrang hranga Embassy leh Indian Mission te pawhin vawiin Yoga Day hi anmahni hmunah theuh Yoga Day hi an hmang a ni.



DELHI CM

Delhi Chief Minister Arvind Khejriwal-a chu liquor policy scam-a sum chhehrelh thubuaiah bail a phalsak. Nimin khan Rouse Avenue Court-a vacation Judge Nyay Bindu chuan bail phalna hi a pe a. AAP hruaitupa hi cheng nuai 1 in Tihar Jail atangin a intlan chhuak thei dawn a ni. Pu Khejriwal-a hi kumin March ni 21 khan Enforcement Directorate (ED) chuan an man a. May thla khan inthlanpui anih vangin Supreme Court chuan interim bail a phalsak a. June ni 2 khan sawrkar kutah a inpe leh a ni.